

۱ ۳ ۳ .) ۶ ~~~~~

اتبعون اهدكم سبيل الرشاد

صاحب و مدیر مسئول : ح . اشرف اویس

واهمیتی ایضاح ایلهمك لازمدر .

۶. - ازدواج وختان دوگونلری بوده کویلنك ثروت عمومیه سنی افلاسه محکوم ایدن برعات جاهله قدیمه در . کویلرده بردوگون - لاقل - الی ایرایه پاتلار . بو یوزدن فقرا برچوق بورج ودرده گرفتار اولور ، ترلاسنی ، باغنی صانار ، انصافسز محکمرله فائض مرکبک بر باشقه دورلوسی ، سرمایهنك ایکی اوج مثلی ایله بورجلانیر . بو بورج - اکثراً - اولاده قدرده انتقال ایدر ! بو عادت ایفا ایدمه چك دلیقانلیر ایلسه بالجهوریه ایسته دیکی قیزی طاغعا قالدیرر ، بلانکاح آکا تقرب ایدر . بالاخره اودلیقانلی حکومت طرفندن اله کچیریلیر ، سنه لرجه زندانلرده چورور ، زنده وقوی وجودی پیرار . بو یوزدن برچوق جنایتلر تحدث ایدر ، خانانلر سونر . ایشته بوکی خصوصاتده تام بر (فقیر دوگون) پاپلسنی توصیه ، کندیلرینی اسراف وتبذیر علیه عهد وميثاقه ، اتفاقه دعوت ایلهمك ، سردار انیا (صلح) افندمر حضرتلرینك کریمه محترمه لری حضرت فاطمه الزهراتك نصل کلین اولدیغی ، جهازی نهدن عبارت بولندیغنی س وبله مك ، تناکدن مقصد اصلی (تناسل) اولدیغنی ، فقط تناکده وامر مسنون ختانه ارتکاب محرمات ممنوع وبونك انواع مخدوراتی جالب بولندیغنی آکلاتمق ، عائله سعادت ، برحیات نوشین معیشت حصوله چالیشمق ، نبی مختار (صام) افندمرک - بوگون بر علم جلیلک مأخذ اصلینسی تشکیل ایدن - (ماحال من اقتصد) حکمت ابدیه سنی ایضاح ، آره لرنده (امنیت تامه) حصولی تأمین ، آلات زراعیه شرکتلری ، (امنیت صندوقلری) تشکیل وتأسیسه همت ایتمک ، خلاصه دماغلرنده لایموت برحس اقتصاد اویاندرمق مقدس بروظیفه در .

نتیجه ، بونلر وبوکا مماثل دردلردر ، که هر حالده واعظلرجه نظردقته آله جق بررماهیتده درلر . واعظلر بوجهتلری دوشونمورده صرف نبی اسرائیل حکایه لرله [بونلر بحث ایدلسون دیمورم . فکرم ، حصراً وقصداً بوکی حکایه لرله وقت کچیرلما سنی مرکزنده در] بعض خرافات ایله وقت کچیرلرله بو وطنه خدمت ایتش صایلمازلر . بناء علیه ، رمضان کبی بیوک بفرصتدن استفاده ایدرک کویلورک روخنه نفوذ ایدلیدیکی ؛ بزده مستحصل طاقنی تشکیل ایدن او صاف صنف اهالیسی مساعییه ، تصفیة اخلاقه سوق اولندیغنی ؛ دین جلیل اسلامک مزیات لاتحصاسی ایضاح ، بزم ترقیمز انجق دین جلیله صارملقله حصوله بوله جنی تفهیم ، بیوکله ، اولی الامر ، قانونه اطاعتک لزومی شرح و بیان ؛ خلاصه اوزمره غافلینه نفخ عشق دین وانسانیت ایدلیدیکی ؛ هر طرفدن بومقصد اساس اوغرنده چالیشلیدیغنی تقدیرده ثروت واخلاق عمومیه یه بیوک خدمتلر ایدلش اوله جغندن بوجهتلر حقنده انظار دقت و عبرتی جلیله - ناجیزانه - لزوم مبهم کورمکده یم . -- مناه التوفیق وعلیه التکلان - بایکسیری

سیرتی

انظار ملت :

یتیملرک فریادی

جمعیت تدریسیة اسلامیة به معاونت

جنتمکان سلطان عبدالعزیز خان حضرتلرینك اواخر سلطنتلرنده ناملریله الی الابد افتخار ایتدیکنز ذوات واحرار امتدن متشکل جمعیت تدریسیة اسلامیة یلک اثر همتی ولان دارالشفقه بی وجوده کتیردیلر . دارالشفقه اعانه عمومیه ایله یابلش بر مؤسسه اسلامیة اولوب بو اعانه یه هر کس وسعی داخلنده اشتراک ایلشدر . (۷۱۰۰۰۰) غروش طرف شاهانه دن احسان و ۳۷۴۱۰۹۰۲۰ غروش خزینة مالیه دن (۷۸۶۷۰۰) غروشده وکلای دولت مأمورین وذوات سائر طرفندن اعانه ایدیلش وبو وجه اوزره تحصیل ایدن ۱۸۷۰۹۰۹۰۲۰ غروش ایله وجودی هر زمان ایچون مدار افتخار اسلامیان اولان دارالشفقه ایله تأسیس اولونمشدر . فقط بوگون دارالشفقه ملتهک انادن بابادن محروم وابدی برسفاته محکوم اولادینی استیعاب ایدمه یور . هر سنه بیکلرجه کشی مراجعت ایدیور . بونلر دن انجق موجودک نقصاتی اکمال ایچون التمش یتش کشی آله بیلور . دیکرلری یأس وخسران ایچنده آغلایه رق کلدکلرنی یره دونیور . هر معناسیله حزن آکین اولان شومنظره قارشوسنده تترمه یه چك قلب بولوناماز فقط ایچوب ایلرکه او تترمه لر اولاد فقرا وشهدا ایچون وسیله رحم وشفقت اولاجق اثرلر مبدانه کتیرسین ! اوت بونلر نه اوله جق؟ سفاته محکومی ؟ ای ملت نجیبه بوگون یتیملریز پک چوقدر . او یله اولدیغنی حالده بو چوجقلرک تعالیم وتربیه سی ایچون یکانه بر مؤسسه اسلامیة اولان دارالشفقه دن ماعدا هیچ بر ملت مکتبی یوقدر . یالکز ملتزدن دکل ، سکنه سی اسلام اولان هر یردن دارالشفقه یه مراجعتلر واقع اولویور . جمعیت تدریسیة اسلامیة بونلرک قنغینسی آلسون . مکتب استانبولده کی ایتامی بیله آله میور . اقطار اسلامیة دن برطاقم غریب الدیار دین قرنداشلریزک چوجقلری دارالخلافده تحصیل ایتسونلر دیه کوندیریورلر ، بونلر جمعیه مراجعت ایدیورلر . جمعیت تدریسیة اسلامیة بو غریب الدیار یتیملردن مکتبک نظامنامه سی احکامنه توفیقاً برمقدارینی قبول ایدیور . دیکرلری نه اولیور ؟

مادامکه دارالشفقه ملت طرفندن اعانه عمومیه ایله یابیلش بر مؤسسه در وزده اوملتهک احفادی بولنیورز ؛ او یله اولدیغنی حالده ملتیزک اعتلاسنه وطنیزک ترقیسنه سبب اوله جق اولان ملتک بو اوکسوزلرینک فریادی ایشیدیورزده نهدن بزده بر مکتب یایمیورز . نهدن هر شیئی حکومتدن بکلیورز ؛ ممالک اجنبیه ده حکومته معاونت ایدمه چك برچوق جمعیتلر واردر که بو خصوصده حکومتی بیله کچمشلردر . شمندی سزه بر محلی غزته نک یازمش اولدیغنی بر بندی بروجه آتی عرض ایدیورم .

« میسیونرلرک واردات سنویه سی ایکویز الی کسور میلیون دولاردر . اوتوز بیک میسیونر واردر . اوچیوز بیک کشی میسیونر مرتبلرندن معاش المقده درلر . میسیونرک عالمی درتیوز کیمیا کره ، الی بیک

سوداناسنه، اوج بیک راهبه، اوتوز بیک مکتبه، یوزالتمش رساله موقوتهیه، بشیوز غزتهیه مالکدر .

ایشته ملتک اوکسوزلرینک تعلیم و تربیه سی ایچون چالیشان جمعیت تدریسیه اسلامیه نک یالکز بردار الشقه سیله ایکیوزه قریب ارکک ویشده افضل نسواندن اعضاسی واردر . بونه یایه ییلور .؟ جمعیت تدریسیه وظیفه تنویریه سی ایفا ایچون نه قدر چالیشمق لازمه او قدر چالیشیور . و هر صورتله اختیار فداکاری ایدیور . لاکن نقصانی وسائط اونک بر جوق آمالی تعمیم ایلکده در . چونکه لازم اولدینی قدر پاره سی یوقدر . بوکون جمعیت تدریسیه اسلامیه یه اعضا اولمق ایچون نظامنامه سی موجبجه هر اوج آیده برلیرادن سنوی درت لیرا اعانه ویرمک . بوندنمعدا سنهده برلیرای عثمانی ویرن ذواتده اعضای معاونه اولور . هر درلو اعانات مع الافتخار قبول اولنور . جمعیت تدریسیه اسلامیه یه افاضل نسوانده داخل اوله بیلدیکندن یقین زمانده محترم خانم افندیلرک عددی تکثر ایدرک قیز دارالشفقه سی تأسیس ایتلری ارزوی یگانه مزددر .

جمعیت تدریسیه اسلامیه تثبیت قومیسونی و دارالشفقه اوقاف انجمنی اعضاسندن

جمال

«دین مانع ترقی دکدر»

بوکون مع التأسف کوریلورک دکل خارجدن ، حتی ایچمزدن بعض جاهل کیمسه لر دینی وفی آیره رق فنک دینه ، دینک فنه هیچ بر رابطه وعلاقه سی اولمدیغنی ادعا ایدیورلر . بو قدرلده اکتفا ایتیرک دینک ترقیه مانع اولدیغنی سویلیورلر . اوکی افکار باطله اصحابی امین اولسونلرک بوکون دین اولسه کوریلان بو قدر انار مدنیت میدانه کلز ، حکومتلر تشکل ایتز ، بونک نتیجه سی اوله رق بو مجسم لطافت عثمانی مملکتی ، بو مجسم شجاعت عثمانی ماتی ده موجود اوله مازدی . بر زمانلر حدود منری قافقاس طاغلرندن ویانه سورلرینه قدر توسیع ایدن اسلافز ، اوبیوک آنالرمز هیچ شبهه سز بو موفقیتلره ، بو محترم مظفریتلره صلابت دینه ، منانت اخلاقیه سایه سنده اصل اوله بیللمشدر . ثوت ، الله عشقی ، وطن محبتی اولماسه ایدی عجباً موفق اوله بیله جکلمیدی ؛ هیچ شبهه سز خیر . بو حقیقتی آوروپالیر بیله تسلیم ایدیورلر . اهل صلیب محاربه لرینک سبب ظهوری اسلامیتی محو ایتمکدن بشقه برشمیدی ؛ کندیلرینک سلامتیرینی ، استقبالیلرینی اسلامیتک ، بو معظم دولتک انقراضنده کوریورلر . فاس محو اولدی ، ایران انقراضه محکوم اولدی ؛ صره بزه ، ثوت بز عثمانیلره ، ده طوغریسی اسلامره کلدی . چونکه بزدن بشقه بر اسلام حکومتی قالمدی . اونلرک نقطه نظر نیجه بز موته محکومز ؛ چونکه جاهلار ؛ چونکه تعصبمز وار ؛ چونکه جریان عمومی یه تابع اولیورز . بونک ایچون موته محکومز . عجباً جداً بویله می یز ، یوقسه بویله می اکتلتشز ؟

بر نقطه نظر دن اونلری معذور کورملی یز . زیرا مع التأسف اسلام نامنی طاشیان بعض شخصلر کوریلورک اوروپالیر قات اندر قات کچرک اسلامیت علیه هجوم ایدیورلر . اسلامیتک پابند ترقی اولدیغنی ادعا ایدرک قدر کوته بیلکده بولنیورلر .

بوکی اشخاصه صورارزک فنک هانکی نقطه سنک دینه ، دینک هانکی نقطه سنک فنه مغایر اولدیغنی کوریورلر . بو سؤاله جواب ویره مزلر : چونکه دین ایله فنی برابر مطالعه ایتمه مشلدر . یالکز اوتهدن بریدن قباصبا بیلدکلری معلوماتله اکتفا ایدرک اوته کنک بریکدنک مقلدلری اولملر و اتقسابلر یله مباحی اولملری اقتضا ایدن دین مبین اسلام حقنده براز اولسون تدقیقاتده بولنمق زحمتی اختیار ایتمه مشلدر . ثوت ، بوکی اشخاصک دین جلیل اسلام حقنده معلوماتلری یک مجمل ، حتی یوق دینه جک بر درجهده در . اکر پروتستان ، قتولیک وادیان سائرینی مطالعه ایتدکلری قدر دین اسلامیه تدقیق ایده ایدیلر بوکی ادعالرده بولنمغه جرأت ایده مزلردی . اوزمان آکلارلر ایدیکه اسلامیتک یگانه مراجعتکاه شرعیسی اولان قرآن کریم ، او کتاب مبین فنک هنوز کشف ایتدیکی و ایتمکده اولدینی نیجه حقائق و سرأری اون درت عصر اول بزه اخبار بیوریور ؛ فقط بزه اونلری اکلایه جق ، او اخبارات علویه دن استنباط احکام ایده جک قابلیت اولمدیغنی ایچون استخراجده بولنه میورز . بولنه میورزده او کتاب عظیم الشانک علویتدن شبهه ایدیورز . حیاتک مبدای صو اولدینی حقنده کی نظریه عالم فنه آتیه لی دهانه قدر اولدی ؛ فقط قرآن کریم ، او کتاب مبین بزه [وجعلنا من الماء کل شیء حی] ایت کریمه سیله اون درت عصر اول اخبار بیوریور .

ثوت ، بزه تصدیق ایدرک دینزه بعض خرافات قاریشمشدر . بعض شیلره تصادف اولنیورک فن اونلری قبول ایتز . فنک قبول ایتدیکی شیئی ده دین قبول ایتز . اوکی خرافاتک منشئی تحری ایدلسون ، کوریلورک منشائی نه آیت کریمه ، نه احادیث شریفه در . بلکه دین مبین اسلامک قدرینی تنزیل ایتک ایچون بعض بدخواهان طرفدن عن قصد احادیث شریفه دندر دهرک نقل اولنش احادیث موضوعه در . بوکون فنک ایکی کره ایکی درت ایدرجه سنه قبول ایتدیکی حقیقتلرک ایچنده هیچ بر نقطه ومسئله کوسه تر یله مزک دینزه او حکمی جارح برقیده تصادف ایدلسون .

بالفرض بوکون (ملائکه کرامک موجودیتیه ایمان) اسلامیتک باشلیجه اساسلرنددر . ایشته اوقیل بعض اشخاص ملائکه کرامک موجودیتی بیله انکار ایدرک فنک قبول ایده میه جکنی سویلرلر . کندیلرینه نیچون قبول ایتدکلرینی صورار ایسه کز تلسقوبلرله ، میقرو سقوبلرله کوریله مدیکی جوابی آلیسکز .

عجباً میقرو سقوبلر کشف ایدلهدن اول بر شخص قالقوبده «مختلف الطبیعه بر جوق جرئومه لر واردر . بونلر امراض مده شه نک باشلیجه عامللریدر» دیه ایدی ، اینانیرلری ایدی ؟ یا «ثوت»